



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

Aliquot Orationes piæ ac deuotæ, de passione Domini nostri Iesu Christi,
quæ huic secundæ editioni accesserunt.

[urn:nbn:de:hbz:466:1-45790](#)

Aliquot Orationes piæ ac deuotæ, de passione Domini nostri Iesu Christi, quæ huic secundæ editioni accesserunt.

P R I M A.

*Oratio ad Patrem laetanda infra missam, de oblatione corporis Christi.
de merito passionis eius, & de nostra resignatione.*

1. **R**E SPICE clementissime Pater de sanctuario tuo, & de excelso cælorum habitaculo, super sacrificium acceptabile tibi. Intuere sacrosanctam hostiam vnigeniti Filij tui, quam offers vultu tuo pro nobis. Ipse est enim summus sacerdos & verus pontifex, qui non alienam hostiam, sed propriam carnem dedidit ad immolandum in ara crucis pro vita saceruli. Propitiare ergo mihi peccatori hodie, per hanc salutarem victimam. Esto exorabilis mihi infirmo homini, multum labili & vitioso, qui non sum dignus respicere cælum, neque calcare terram, quoniam tecum creatorem meum offendit sapientissime, sepius agendo, loquendo, cogitando contra præcepta tua irreuerenter & insensatè: propter quæ omnia merito incurri grauissimam indignationem tuam, nec non omnium creaturarum accumulauit mihi inimicitiam. Te enim offeso & despecto, iam vtique iusto iudicio omnis aduersatur creatura peccatori. Sed omnipotens & Deus totius consolationis miserere mihi seruo tuo, ex intimo corde pœnitenti & dolenti. Quoniam ex nihilo factus sum, & in peccatis conceptus, ut fragilis homo cecidi. Parce mihi Domine, parce. Da veniam filio prodigo ad te reuertenti de filiis porcorum, & stanti ante thronum gloriae tuæ, & postulanti manum misericordiae tuæ à mane usque ad vesperam: donec descendat ros gratiæ, & pluia consolationis super terram cordis mei, quod iam aruit & contabuit præ multitudine peccatorum. Propter temetipsum inclinatus Deus meus aurem tuam mihi, & exaudi verba mea. Mirifica misericordias tuas, qui salvos facis sperantes in te. Scio, quia non propter opera mea facies, si qua fortè videntur: sed propter beatitudinem tuam Domine, quæ immensurabilis prædicatur. Amplius autem exaudi me per singulare meritum amantissimi & dulcissimi Filij tui Iesu Christi, qui pro peccatoribus crucifixus est & mortuus, ut omnium peccata sua deleret passione.

2. Recordare alme Pater inestimabilis charitatis eius, quomodo in mortem tradidit animam suam, ut vivificaret populum suum, qui in nullo sibi pepercit, ut reis & damnatis in æternum

S. 3

par

parcer. Memeto amarissimæ passionis eius, quām grauia & indigna suscepit: qualiter ab hora matutina usque ad exitum suum in cruce pro humano genere laborauit, clamans sanguinis sui effusione pro reconcilandis tibi peccatoribus: ut amicos de inimicis faceret, & de suis profugis adoptionis filios. O summe & venerande & colende Pater, hodie tibi repræsento omnia signa passionis unici filij tui, cum nostra supplicatione atque suffragio omnium beatorum martyrum, qui eandem passionem specialius imitati sunt. Aspice & cognosce, cuius sunt signa amabilia adoranda per secula. Ecce crux, clavi, lancea, fel, arundo, spongia, sputa, flagella, corona spinea, sudor, sanguis, alapa, virga, testis, columna, alba vestis, purpura, & incosutilis tunica. Ista sunt pretiosa ornamenta & regalia vexilla, quibus ad debellandas aeras potestates processit virginitus tuus in nostræ carnis substantia. Ista sunt arma bellica, quibus mors deuicta est, & humana natura redempta. Per haec igitur benedicta & gloria passionis insignia, dimitte mihi omnia peccata mea. Sit mihi haec veneranda armatura, & decora, contra omnia vitia & tentamenta singularis potentia. Sit mihi quotidianum speculum & dulcissimum animæ solatium tam dolorosum & fleibile spectaculum.

3. Suscipe sanctissime Pater gratissimam hostiam oblati corporis filij tui, quam tu ipse tibi preparasti, ac in sempiternum satisfactoriam, dignam atque sufficientem esse voluisti, ad exhausta omnia peccata, tam contracta quam voluntate admissa. Suscipe me pariter hodie in sancta oblatione, qua nulla sanctiores & præstantior, quam tibi venerabiliter offertur per manus sacerdotum tuorum diebus singulis pro vivis & mortuis, ac pro cunctis necessitatibus nostris. Proficiat haec mihi & omnibus orationibus meis commendatis, quorum necessitas & fides tibi nota est, siue iam presentes, siue absentes huic solemni celebrationi existant. Perueniant ad te preces eorum & deuotio, cooperetur illis ad salutem inefabilis virtus & efficacia sacramenti, quod diuinitus est institutum, non humanitus inuestigandum, sed piè colendum, fideliter adorandum, firmiter credendum, & usque ad consummationem seculi continuandum. O pretiosissimum & suauissimum sacrificium, quod tibi æterno Patri pro nobis obtulit coeterus filius tuus, factus & ipse hostia vera, viua, salutaris, unica, & perfecta: qui erat solus pontifex immaculatus, sanctus & immunis ab omni delicto, non habens necesse prius pro semetipso rogare, & hostiam secundum legem offerre; sed pro debitoribus mortis semel moriens intercessit, non habentibus nec inuenientibus in uniuersa creatura, quid pro delicto suo redderent. Iam igitur non despero, neque ultra desperabo de venia & cu-

ratione



xratione peccatorum, quotiescumque etiam me peccatum apprehenderit. Inueni enim, quo laudans accedam medicum, ad quem sanandus recurram. Scio ubi sit spes mea, & vniuersa consolatio mea. Qui in passionibus & vulneribus Domini mei Iesu Christi, summa salutis totaque ratio spei meae consistit & abundant. Per omnia benedictus sis Deus meus, qui tam magna & immensa diuinæ largitatis beneficia contulisti mihi. I stis namque vehementer me accendis, ad regratiandum tibi & dilecto filio tuo.

4. Sed ô mi Pater fidelissime, quid agam, quia nil dignum in me reperio, aptum dono gratiae tuae. Veruntamen bone Pater, cuius sunt omnia dona bonorum, scio, quia nullius indiges, & tamen te parua nostra delectant, si ea deuotè & spontaneè tibi videris offerri. Dabo igitur aliquid, & modicum, quod mihi reliquum deperire potest, amori tuo sacrificabo. Nam tibi oblatum melius mihi manet, & tamen merces futura non deerit tam libere offerenti. Si auderet quis inhæsitanter se donare tibi, tu te utique redderes illi, fieretque quod ore capit is nostri dictum est: Date, & dabitur vobis. Nunc ergo si digneris accipere, ecce voluntariè me ipsum offero, & tua dispositioni animam meam & corpus meum fidenter derelinquo. Voluntatem quoque propriam (qua pinguus nil tibi offertur) ex hac hora & deinceps promptissimo corde resigno, quemadmodum dilectus filius tuus Christus Dominus noster suam tibi commisit voluntatem, ut nostram in sua abnegatione obtineret salutem, formam præbentibus sequentibus se fidelibus breui & pleno sermone, quem dixit: Pater mi, non sicut ego volo, sed sicut tu: fiat voluntas tua.

5. Hoc itaque exemplo vehementer admonitus te inspirante & iuuante, denuo me resigno, omnibus, quæ mundi sunt renuntio. Carnis desideria despicio, omnes aëtus & nefaria consilia maligni spiritus abiicio, tuo seruitio me despondeo: tibi adhærere cunctis diebus vita mea concupisco, iam iamque deuotè id agere instituo. Adhuc verò ut pleniū perficiam voluntatem tuam, en meam frangere paratus sum per veram obedientiam, quam tibi in prælato meo teneor exhibere. Eius enim voce cum obedio, tibi veraciter obedio. Ergo illius manibus tranquam parvulus in Christo renatus, qui se Baptistæ sui manibus humiliter inclinavit, gubernandum me submitto. Fratrum quoque meorum consiliis & sermonibus, tota humilitate & pia charitate libens parebo, quos nimirum sanctiores & longè me sapientiores intelligens, iure mea imperfectioni præfero. Tibi autem eandem imperfectiōnē meam cognitam esse sciens in defectibus me accuso, atque sanioris emen-

ORATIONES DE PASSIONE DOMINI.
dationis remedium multa contritione à te exposco: quatenus be-
nevolentissima manus tua, quæ omnem infirmitatem curat, & o-
mnem impotentem roborat, meam indigentiam non relinquat.
Per eundem Dominum nostrum Iesum Christum.

S E C V . N D A.

Oratio de recordatione & imitatione Passionis dominicae.

1. O MINE Iesu Christe, qui pro nostra salute pati, crucifigi,
ac mori venisti, da mihi passionem tuam dolorosum cordo
sepius percogitare, & eam constanter posse imitari. Da, vt quid-
quid aduersitatis, grauitatis, vel iniuriae mihi obuenerit, de manu
tua benevolenter accipiam, & pro nomine sancto tuo aliquid per-
peti gaudeam, qui tam multas iniurias & poenitentes innocenter
pro me tolerare dignatus es. Nempe ad dignè rependendum tibi
vicem non possent adæquari omnis hominis maledictiones mihi
illatae, quanto magis breue vel asperum verbum, seu molestum
aliquid factum sine mordaci cogitatione perferrere debeo. Procul
igitur omne murmur sit, fileat indignatio, conquiescat suspicio,
sed magis benigna patientia, humiliisque confessio loquantur,
quod ampliora mereatur iniquitas mea recipere, quam aliquis
mihi possit irrogare.

2. Dehinc quæso, vt largam mihi infundas charitatem, quate-
nus plenam indulgentiam & compassionem deuotam, precer &
excusationem debitoribus meis reddam, nec non gratiarum a-
ctiones pro magnis lucris patientiae persoluam: quoniam tuus
debitor sum in valde multis lugendis excessibus. Exceptis enim
beneficiis, vnde tibi debitör sum in quibuscumque sufficio, imo
ulta quam sufficio, adhuc reuera pondus peccatorum meorum
præteriorum & quotidianorum grauibus me debitiss admonet,
cuius ramen confido vt pars maxima solutionis erit sustinentia
& dimissio iniuriarū, & supplex oratio pro aduersantibus. Exem-
plum namque mihi reliquisti memoriale, qui pro crucifixoribus
exorasti, ne perirent. Utinam & pro me peccatore Patrem nunc
exorare digneris, vt dismittat mihi quidquid conscientia meruit,
& adjiciat, quod tenuitas mea petere non præsumit. Tu es enim
aduocatus meus iustus & fidelis apud Patrem, qui tuo sanguine
me redemisti, tuoque exemplo ad viam perfectæ humilitatis,
mässuetudinis & patientiæ dulciter inuitasti. Adiuua me ergo Do-
mine Iesu spes mea & refugium in die tribulationis, vt non decli-
nem à via patientiæ quacunque aduersitate exurgente: sed ad
te incunctanter recurram pro iuvamine & cœptione necessita-
tum meorum. Multa namque sunt huius vitæ aduersa, quæ
suffi-



sustinere non est possibile. Ego non sufficio, notum est tibi quando in minimis me probas, nec alium quam infirmum hominem me inuenio.

3. Quapropter oro te Domine, aperi mihi thesaurum miserationum tuarum, & illud mirificum maximumque passionum tuarum reuelat mysterium, in quo omnium infirmorum & tribulatorum continentur remedia, ex quo etiam saepe nouellus deuotionem & deuotus consolationem multam haurire consuetuit. O Iesu fons gratiarum: fac intrare cor meum amaritudinem calicis tui, quæ omnem gravitatem mihi conuertat in dulcedinem. Perfora quoque manus & pedes meos clavis charitatis tuæ, ut nec in opere, nec in affectu meo quicquam vanitatis vel carnalitatis ultra viuat. Sed viue tu in me, & ego in te: nihilque mali interueniat, quod nos separet. Nullæ ergo delitie, nec ullæ me poenæ soluant à tua dilectione: sed siue ad mortem, siue ad vitam vocaueris, quocunque volueris Domine, illuc pergam in nomine tuo. Sapiat mihi beata crux tua, & taliter sapiat, ut meam libenter feram. Suscepi illam spontaneè & ternæ salutis intuitu, tamen portare non valeo, nisi continuò manum tuam apposueris. Te verò adiuuante & ducente, leue est onus tuum, fitque planum ac calcabile omne asperum carni. Nunc ô dulcissime Iesu, salus & virtus animæ meæ, confirma me pusillum in hac hora verbis oris tui, & præcipue in recordatione passionis tuæ me totaliter accende, & ad te intimè trahe; ut cum frequentatione excitationis sapor crescatur deuotionis: ut cum debita laudatione, fructus effligeretur pia conuersationis. Qui cum Patre & Spiritu sancto viuis & regnas Deus, per omnia seculorum. Amen.

TER TIA.

Oratio ad compatiendum Christo, & dilecta matri eius.

1. F LECTO genua mea ad te Domine Iesu Christe, quem proxime in cruce cerno suspensum. Saluto te ô veneranda imago crucifixi Domini mei Iesu Christi, cuius sanguine redemptus sum de manu inimici. Salve salvator mundi, qui hanc amarissimam mortem pro me sustinuisti. Petó te dulcissime Iesu, praesta mihi secundum multitudinem misericordiæ tuæ, tibi in omnibus poenis compati, nec non sanctissimæ matris tuæ doloribus intimo cordis affectu condolere, & cum beatissimo Ioanne Apostolo largiter sub cruce flere. Etenim solatiosum mihi nunc fore scias, si possem etiam exteriores lachrimas, præ magnitudine compassionis, coram imagine crucis tuæ fundere, qui pro me preciosi

S S f

sum sanguinem abundè sèpius effusisti.

2. Sed quia à te omne donum bonum , imple hoc desiderium meum ad honorem tuum , vt & memoria sacratissimæ passionis tuæ , cum singulari recordatione gloriose matris tuæ , adjuncto semper charissimo discipulo tuo Ioanne eiusdem fidelissimo custode , ex hac hora & deinceps in me feruentius accendatur , copiosius dilatetur , intimius sentiatur , perfectius moribus & vita teneatur . Sit insuper crucifixio tua speculatio mea , dolor matris tua consolatio mea , fletus sancti Ioannis intercessio mea . Non sit sine interna compassione mentis , aspectus mortis tuæ tam deformis . Quotiescumque igitur tuam passionem recolo , aut figuratum in Cruce video , da hoc interiori cordi meo sentire , quod multis deuotis dedisti experiri . Qui viuis & regnas Deus , per omnia seculorum . Amen .

Q V A R T A .

Oratio ad Christum.

1. **L**AUS & gloria tibi semper sit Domine Iesu Christe , qui pro me peccatore descendere dignatus es de celis , & arborē ascendere Crucis , ad satisfaciendum pro peccatis meis , in qua nudus & toto corpore vulneratus tanquam vilissimus latronum inter latrones pependisti : qui es speciosus forma præ filiis hominum , verus Dei filius , rex regum , & Dominus angelorum . Benedictio & claritas , gratiarum actio , & vox laudis tibi sit agnus Dei mitissime : quoniam dignus es accipere omnem honorem , propter passionem mortis & multimodam quam passus es in cruce confusionem . Accipe igitur humiles has laudes , deuotas gratias , mentales genuflexiones , & pia oris mei obsequia , pro summa & immensa charitate mihi in passione tua ostensa . Reuerata tibi gratias agere teneor pro omni quod viuo , quod sapio : sed multo intentius & copiosius , quod tuo pretioso sanguine redemptus sum . Magna bonitas , quia me non existentem condidisti ; sed maior charitas superlucet , quod perditum reformasti . Et si in te bonitas & charitas æqualis ac una semper fuit , mihi tamen charior & utile visa est charitas , quæ ita superabundauit .

2. O quanti me existimasti , quem tam charo commercio redemisti . Dediti certè preciosissimum quod habuisti ; nam te preciosius nihil est , & ecce te totum pro me tradidisti . Quapropter obsecro te benignissime Iesu , fons bonitatis & charitatis , vt hæc à memoria mea non defluant : sed semper imago crucifixi corporis tui mihi resplendeat , & singula plagarum loca amorem tuum cordi meo profundè imprimant , signa enim sunt validissimæ dilectionis tue ad me . Nam omnia hæc pro me suscepisti , pro te autem

gem nihilorum merueras, qui peccatum non fecisti, nec maculam quidem peccati contraxisti; in quo dolus non est inveniens, nec causa mortis, sicut pro te loquebatur Pilatus. Sed ideo oblatus es, quia tu ipse voluisti, qui ad redemptionem totius mundi supplicio interemptus: sed tamen infructuosè non es mortuus, quia per crucem & per mortem tuam omnes liberati sumus. O beata & nimirum amabilis Crux, arbor decora atque salutifera, in qua pependisti vita mea pro me mortua: ut mortem occideres, & vitam mihi donares. O quam felix & preciosa mors ista fuit, quam mortis auctorem vicit, infernum ex morsu spoliauit, paradisi ianuā referauit. Benedicta sit passio tua Domine Iesu Christe, crux tua & mors tua, quam antiquam parentum nostrorum maledictionem in cælestem conuertit benedictionem. Benedicta sunt omnia membra tua, in quibus passus es: & omnia vulnera tua tibi inflista, æternaliter sunt benedicta. Nam ipsa sunt mea maxima medicamenta, contra quælibet vitia, & optima solatia inter aduersa.

3. Iesu bone, dulce est tecum esse in Cruce, quod magis opto habere, quam omnes solationes naturæ. Melius est mihi tecum esse in magnis doloribus, quam sine te in summis mundi honoribus. Oh mihi est, quod patior, cum te in cruce contempnor. Sub hac sedebo & lugabo, considerabo & pensabo, quanta passus sit pro me Deus meus. Multi Sancti multa passi sunt, sed tu sancte sanctorum amplius. Nam tenerimum & dignissimum corpus tuum, à summo usque deorsum; multiplicibus plagis & vulneribus erat disiectum. Quæ et si Euangelistæ non recitant, quibusdam tamen deuotis fuisse reuelatum multi affirmant, sicut his duobus versibus continetur.

Septuaginta quinque, quater centum, millia quinque:

Tot fuitur Christus pro nobis vulnera passus.

Benedictum ergo sit semper sanctissimum & preciosissimum corpus tuum, sanguineis guttis ornatum. Nam variis incisionibus venarum perforatum, suæ effusionis non potuit tenere modum. Verè tu es dilectus meus candidus & rubicundus, electus ex milibus. Candidus in virgine, rubicundus in cruce, electus in paternæ gloriæ & confessione. O nobilissimum corpus omnia corpora sanctorum sanctificans, omnes electorum animas à peccatis emundans. Aue nunc sanctissimum corpus dominicum, natum ex Maria virgine: verè passum immolatum in cruce pro homine: sepultum ab hominibus in corde terræ, resuscitatum à Deo tertia die.

4. Preciosum est mihi hoc venerabile corpus tuum, Spiritus sancti

^{+ confessio-}
nem.

284 ORATIONES DE PASSIONE DOMINI.

sancti operatione de purissimo sanguine Virginis Mariae formatum: sed pretiosius mihi efficitur, quia pro me tam deformiter efficitur in passione martyrizatum. Non mihi sorbet facies tua, olim tam amabilis, nunc autem tam contemptibilis & penè incognoscibilis effecta, propter immunda spuma & validos percutientium ictus, ac irreuerendos capillorum tractus, cum velatione illudentium, & multa ignominiosa tibi improverantum. O gloria facies Dei mei, quam Angeli videre desiderant; & quæ prius quandoque refulisti in monte Tabor, ut sol, quomodo nunc sic denigrata es, ut nulla in te appareat species neque decor? Propter me denigrata es inclyta Dei facies in terris, ut dignus efficeret contemplari diuinam faciem tuam in cælis. Ergo illa foeda consputio formosi vultus tui, lotura & purgatio facta est fœditatis anime meæ. Insuper & omnia, quæ passus es, pro mea satisfactione & redemptione gesta sunt. Erit itaque summa sapientia mea ista meditari, & configurari in carne passo. Expoliatus es conditor orbis terræ, ut ego vestimentis induceret perennis gloriæ. Denudatus es, ut me ab omnibus quæ mundi huius sunt nudarem, & te sine retardatione sequerer. Illitus es, ut me ab illusione dæmonum eriperes. Contemptus es, ut me doceres amare contemptum & abjectionem hominum. Accusatus es, ne me leuiter excusarem: sed quām multa falsa pertulisses cogitarem. Condemnatus es, ut ternam damnationem euaderem. Ligatus es, ut à peccatorum vinculis absoluwerer. Flagellatus es, ut æterna flagella cum reprobis non sentirem, & temporalia flagella cum electis patienter ferrem. Coronatus es spinea corona, ut ego immarcessibili coroni dignus essem coronari: si tamen tibi compatiar, tanquam membris suo conforme capiti. O rex æternæ gloriæ, quām acutam & despectam coronam pro me vilissimo peccatore portasti. Et quomodo possim sine ingenti cordis dolore cogitare benedictum caput tuum spinis obsitum, arundine percussum, ac omni populo in derisum ostensum?

5. Edictus es extra ciuitatem Hierusalem ad crucifigendum, ut me reduceres in cælestem Hierusalem ad perpetuè lœtificandum. Crucem proprijs humeris baiulasti, ut me ipsum abnegare, crucem tollerem, & post te venirem. Affixus es cruci, ut mihi mundus crucifixus esset, & ego mundo. Eleuatus es toto corpore à terra, ut ego toto corde eleuarer ad superna. Aceto & felle potatus es, ut peccatum quod gustu vetiti cibi in mundum venit, amaro poculo expiates; & ut tue felleæ potionis inter epulas recordarer. Derelictus es à Patre in crucifixione, ne ego desperarem in tentatione vel gratiæ subtractione. Derelictus es etiam à discipulis tuis, ut spes mea non figeretur in hominibus.

Com-



Compassus es tamen cordialiter matri & discipulorum infirmati, vt proximorum semper condolerem necessitati. Pro crucifixis rogasti, vt ego in me peccantibus benignè indulgerem, & tibi omne iudicium committerem. Post hæc testamentum fidele statuisti: nam anima Patri, matrem discipulo, discipulumque matri commendasti: vt & ego instante mortis articulo, animam meam tibi commendarem; & sanctissimam matris tuae presentiam specialiter inuocarem. Cuius clementiam humiliter inuoco, vt cum beato Ioanne Apostolo tuo & cæteris sanctis N. N. mihi assistere dignetur morienti, sicut tibi astitit in cruce pendentis. Enimvero tuus fuit cius dolor, & tuus dolor nihilominus eius erat, cuius cor compassionis gladius penetrauit. Cumque vidisses matrem & discipulum stantem quem diligebas, nequaquam descendisti de Cruce propter eos, scilicet in obedientia Patris tui usque in finem permansisti: præbens mihi exemplum perseverandi in via & in lege tua, quam nunc relictis parentibus & amicis coepi ambulare. Ambulabo in ea duce gratia tua, & si perseverauero tecum, erit sine dubio merces mea æterna.

6. Sicut ergo tu Domine Iesu, nec propter matris tuę fletus, nec propter Iudeorum opprobria consensisti de Cruce descendere: sic nec ego moueri debeo cuiusquam blando sermone vel consilio, aut etiam vano terrore contrariorum à statu sanctissimam seruitur tuę: sed tecum viuam, tecum moriar in cruce: nec mihi contingat parcere anima mea propter te, qui animam tuam pro me posuisti, vt non perirem in æternum. Inclina itaque nunc ad me caput tuum, in signum præcipui amoris: & ego cor meum ad te, in signum intimae compassionis: & simul moriatur anima mea cum anima tua, vt vbi tu es, illic sit & ipsa; nunc per desiderium, post per presentiam & beatificam fruitionem. Aperi quoque mihi latus tuum ad pausandum in eo. Ideo enim apertum est, vt ego intrarem, & ab æstibus vitiorum curarer. Profuit ex eo sanguis & aqua; aqua, vt lauarer a contractis maculis & priuatis sanguinis, vt redimerer a iugo diaboli & pœnis inferni. Eia suscipi te iam de cruce cum singulari reverentia. Ponam te dulciter inter brachia mea, qui non habuisti, vbi caput tuum reclinares, dispunctum corona spinea. Plangam te quasi vnigenitum Patris, & primogenitum virginis matris, antequam ponaris in monumento ab oculis meis: & considerabo omnia quæ fecisti, docuisti, & passus es in mundo, ab hora nativitatis tuæ usque ad horam mortis & sepulturæ tuę. Exinde mihi sit tua reverenda sepultura, omnium mundanorum perfecta clausura. Hic requiescam, hic habitem, hic cunctis tumultibus exclusis tecum sepeliendus ingrediar; vti tibi soli vnitus, toti mundo mortuus sim ac sepultus. Amen.

QVIN-

Q V I N T A.

Oratio ad Christum.

I. S C R I B E Domine Iesu Christe vulnera tua in corde meo, preciosissimo sanguine tuo : vt in eis legam tuum dolorem & tuum amorem, ad omnia terrena & ad omnia aduersa pro te libenter sustinenda. Fac me (quæso) participem sacræ passionis tue & acerbissimi doloris, quem sustinuisti in graui & longa apprehensione crucis. Tunc enim benedictæ manus ab impijs conlatae, & speciosissimi pedes tui ligno durissimo sunt affixi. Tunc enim totum corpus tuum ita extensum est, vt omnia ossa tua dinumerari possent. Tunc denique, postquam emisisti spiritum sanctissimum, latus tuum lancea militis tam validè perforatum est, ut continuè exiret sanguis & aqua, in redemptionē totius mundi.

2. O inestimabilem charitatem, vt damnatum seruum redimeres, temetipsum tatis supplicijs exposuisti, & innoxiam mortem, ne eternaliter morerer, libentissime suscepisti. Ego Domine peccavi ; ego hoc grande peccatum feci ; ego sum reus omnium vulnerum tuorum. Quid igitur retribuam tibi, pro omnibus, qua retribuisti mihi? Si dederò me, & omnia mea, quæ vñquam habui & habiturus sum, pro charitate haec maxima, quam fecisti meū, quasi nihil esset. Etsi tradiderò meipsum tibi in perpetuū seruū, non poterit dignum esse precium. Insuper si totum mundum haberem, ipsumque dare possem, adhuc non esset digna retributio, pro minima gutta pretiosissimi sanguinis tui, quem pro me in cruce effudisti. Una enim gutta pretiosissimi sanguinis tui, universum mundum expurgare potuisset. Veruntamen non sufficit amori tuo dare congruentiam satisfactionis, sed ex abundanti expendisti pretium, quo totum mundum saluare decreuisti, in quo etiam mihi spem vnicam reliquisti. Nam ex quinque corporis tui vulneribus, voluisti largissimè emanare dulcedinem charitatis tuæ, quam ab æterno habuisti cum Patre absconditam, sed etiam specialiter passionis tempore in Cruce moriens reuelasti.

S E X T A.

Gratiarum actio.

I. G RATIAS itaque nunc refero tibi benignissime Iesu, pro omnibus doloribus & opprobrijs, pro vniuersis quoque rubicundis vulneribus tuis, quibus repletus es à planta pedis usque ad verticem, pro mea reconciliatione & reductione in æternam gloriam tuam. Sed heu Domine, quia dignas tibi referre gratias non



non sufficio. Siquidem tam excellens & pretiosa est sanctissima passio tua, ut si omnium creaturarum etiam virtutes haberem, adhuc plenè tibi regratiari nequaquam sufficerem. Excedit enim omnium hominum merita & vota: superascendit omnium creaturarum dignitatem. Attamen, ne omnino ingratus sim, saltem in modico regratiari tantæ charitati & tam amaræ passioni tuæ desidero per verba deuotæ orationis & meditationis, quæ tu inspiraueris, & cordi meo sapida feceris: quatenus & ex hinc fructus multiplex proueniat animæ meæ, atque tibi gratiarum actio cum perfecto amore resultet sine fine. Memento mei Domine Iesu in regno tuo, qui latroni confitenti in Cruce respondisti: *Hodie mecum eris in paradiſo.* Amen.

FINIS ORATIONVM.

Plures huius argumenti orationes inuenies Tomo secundo, in opusculo septimo brevi.

VIGESIMA-OCTAVA.

In festo palmarum de processione Christi, & sex generibus hominum obsequentium Christo.

¶ *P* Veri Hebraorum tollentes ramos olivarum, obviauerunt Domino. *Matth. 21.*
Contemplari delectat in præsenti festo palmarum, solemnem sanctæ Ecclesiæ processionem, nec non deuotionem populi Iudæorum obsequentium Christo, cum gaudio magno & honore. Nam quod Iudei olim corporaliter Christo exhibuerunt in carne viuenti, nos spiritualiter eidem debemus exhibere iam in cælo regnanti. Et tanto affectuofius hoc agere decet cum hymnis & canticis deuotis, quanto interiora cordis nostri obsequia Deus plus diligit, & in supernam Hierusalem nos perdere cupit. Propter hoc enim maximè venit in terras, ut terrarum incolas reuocaret ad cælos. Propter hoc properauit ad locum passionis, ut nobis pararet sedem felicissimæ mansionis in cælis. In cuius signum etiam asinam & pullum sibi adduci præcepit, & modestè equitando in Hierusalem ciuitatem terrestrem eos perduxit, quæ cælestis beatitudinis imaginem continet: ut nos speremus per Christum reducendos in vitam eternam cum Angelis sanctis: qui animale corpus nostrum suscitabit de puluere terræ, & immortalitatis gloria induet in futura iustorum resurrectione. Et ad hoc promerendum quis dignus esse poterit? Profectò qui se humiliauerit sicut parvulus in numero puerorum Hebraorum; & factus fuerit tanquam pium iumentum sub pedibus Christi; paratum se exhibens omni loco & tempore,

ad